



O'ZBEKISTON RESPUBLIKASI DAVLAT SOLIQ QO'MITASI

**ГОСУДАРСТВЕННЫЙ НАЛОГОВЫЙ
КОМИТЕТ РЕСПУБЛИКИ УЗБЕКИСТАН**

**STATE TAXATION COMMITTEE OF THE
REPUBLIC OF UZBEKISTAN**

100011, Toshkent shahri, Abdulla Qodiriy ko'chasi, 13A uy. Tel.: 244-98-98, Faks: 244-89-12, www.soliq.uz

B U Y R U Q

2020 йил 18 сентябрь

259-сон

Тошкент шаҳри

**Интизомий жазо чорасини
қўллаш тўғрисида**

Зиммаларига юклатилган вазифалар ижросини лозим даражада бажарилишини таъминламаганликлари ҳамда жорий йил сентябрь ойи учун белгиланган назорат рақамларини бажариш борасида ўта сусткашликка йўл қўйганликлари учун Ўзбекистон Республикаси Меҳнат кодексининг 181-моддаси биринчи қисми 1, 2-бандлари ҳамда 182-моддаси ва Вазирлар Маҳкамасининг 2019 йил 17 апрелдаги 320-сон қарори билан тасдиқланган «Ўзбекистон Республикаси давлат солиқ хизмати органларида хизматни ўташ тўғрисида»ги Низомга мувофиқ:

1. Сурхондарё вилояти Узун тумани давлат солиқ инспекцияси Сайёр солиқ текшируви шўъбаси бошлиғи **Жалолов Шамсиддин Сайфиддинович** давлат солиқ хизмати органлари томонидан берилган барча махсус унвонларидан маҳрум этилсин.

2. Жиззах вилояти давлат солиқ бошқармаси Сайёр солиқ текшируви бўлими бошлиғи вазифасини бажарувчиси **Сулайманов Шерали Турсунович**, Қашқадарё вилояти давлат солиқ бошқармаси Сайёр солиқ текшируви бўлими бошлиғи **Бухоров Олимжон Қудратович**, Навоий вилояти давлат солиқ бошқармаси Сайёр солиқ текшируви бўлими бошлиғи **Раҳмонов Элёр Сирожиддинович**, Сирдарё вилояти давлат солиқ бошқармаси Сайёр солиқ текшируви бўлими бошлиғи **Рақибов Шухрат Шавкатович**ларнинг ҳар бирига нисбатан «хайфсан» интизомий жазо чоралари, Жиззах вилояти Пахтакор тумани давлат солиқ инспекцияси бошлиғи вазифасини бажарувчиси **Эргашев Арзумурод Беркинович**га нисбатан ўртача ойлик иш ҳақининг йигирма фоизи миқдорида жарима интизомий жазо чораси қўлланилсин.

3. Жиззах вилояти (Ю.Насимджанов), Қашқадарё вилояти (А.Бозоров), Навоий вилояти (Р.Насимов) давлат солиқ бошқармалари Бухгалтерия томонидан ходимларга рағбатлантириш чораларини қўллашда Ўзбекистон Республикаси Меҳнат кодексининг 180-моддаси талабларига қатъий риоя қилиниши ҳамда

интизомий жазо амал қилиб турган муддат мобайнида ходимларга нисбатан рағбатлантириш чоралари қўлланилмаслиги таъминлансин.

4. Ташкилий ишлар ва назорат бошқармаси (Э.Жураев) бир кун муддатда мазкур буйруқни қўмита марказий апаратининг таркибий тузилмалари ва ҳудудий давлат солиқ хизмати органлари раҳбарлари эътиборига етказилишини таъминласин.

5. Мазкур буйруқнинг ижроси устидан назорат раис ўринбосари А.Файзибаев зиммасига юклансин.

Асос: Давлат солиқ қўмитасининг 2020 йил 16 сентябрдаги 23-сон Хизмат йиғилиши баёни, Меҳнат кодексининг 181 ва 182-моддалари, Ш.Сулайманов, О.Бухоров, Э.Раҳмонов, Ш.Рақибов, А.Эргашевларнинг тушунтириш хатлари.

Раис



Ш.Кудбиев